

244

Na osnovu člana 50. i 51. Zakona o dopunskim pravima branilaca i članova njihovih porodica („Sl. novine HNK“ broj:8/06), ministar za pitanja boraca HNK, uz saglasnost Vlade HNK broj: 01-1-02-1627/07 od 17.10.2007. godine donosi:

P R A V I L N I K
O KRITERIJIMA I POSTUPKU NAKNADE
TROŠKOVA IZRADE
NADGROBNIH NIŠANA/SPOMENIKA
POGINULIM BORCIMA

I- OPĆE ODREDBE

Član 1.

Pravilnikom o kriterijima i postupku naknade troškova izrade nadgrobnih nišana/spomenika poginulim borcima – uređuje se:

1. korisnici prava iz ovog pravilnika;
2. visina naknade;
3. kriterija za odobravanje naknade;
4. organi i postupak odlučivanja kod odobravanja naknade;
5. ostale odredbe;
6. prijelazne i završne odredbe.

Član 2.

Finansijska sredstva za naknadu troškova izrade nadgrobnih nišana/spomenika poginulim borcima, te zajedničkih spomen obilježja stradavanja poginulih boraca utvrđena su programom utroška planiranih budžetskih sredstava Ministarstva za pitanja boraca HNK-a (u daljem tekstu Ministarstvo) za tekuću godinu.

II- KORISNICI PRAVA

Član 3.

Finansiranje, izrada, postavljanje nadgrobnog nišana/spomenika u skladu s posebnim idejnim rješenjem jedinstvenog nadgrobnog spomenika poginulim borcima će se osigurati:

- svim pripadnicima oružanih snaga koji su poginuli, nestali ili umrli u toku agresije na BiH u periodu od 18. 9. 1991. godine do 23. 12. 1996. godine i sahranjeni su na području Kantona.

- pripadnicima oružanih snaga iz prethodnog stava koji su početkom agresije na BiH imali prebivalište na području Kantona a koji su sahranjeni izvan područja Kantona.

- organizatorima otpora, veteranima-dobrovoljci-

ma, nositeljima najviših ratnih priznanja i odlikovanja i ratnim vojnim invalidima koji su u momentu smrti imali prebivalište na području Kantona, a u skladu s idejnim rješenjem nadgrobnog nišana/spomenika kojeg će utvrditi Ministarstvo ovisno od raspoloživih sredstava.

Član 4.

Odobravanje naknade troškova izrade nadgrobnog nišana/spomenika poginulim borcima vrši se nakon pravosnažnog utvrđivanja statusa istih.

Odobravanje naknade troškova izrade nadgrobnih nišana/spomenika poginulim borcima iz stava 1. ovog člana vrši se članovima porodičnog domaćinstva poginulog borca a koji će nadgrobnog nišana/spomenik graditi ili su isti izradili ličnim sredstvima.

Ministarstvo može, u okviru raspoloživih sredstava, pomagati u finansiranju podizanja zajedničkih spomen obilježja poginulim borcima iz Odbrambeno-oslobodilačkog rata, kao i uređenje mezarja/ groblja.

III- VISINA NAKNADE

Član 5.

Visina odobrene naknade troškova izrade nadgrobnih nišana/spomenika poginulim borcima utvrđuje se u iznosu od 710,00 KM – jednokratno, što je cijena izrade i postavljanja jedinstvenog nadgrobnog spomenika poginulom borcu.

Visina sredstva za finansiranje podizanja zajedničkih spomen obilježja poginulim borcima iz Odbrambeno-oslobodilačkog rata, kao i uređenje mezarja/groblja odredit će se u skladu sa raspoloživim novčanim sredstvima.

IV- KRITERIJI ZA ODOBRAVANJE NAKNADE

Član 6.

Odobravanje naknade vrši Ministarstvo na osnovu podnesenog zahtjeva i odgovarajuće dokumentacije.

Ako je poginulom borcu izgrađen i postavljen nadgrobnog nišana/spomenik na osnovu sredstava odobrenih iz budžeta državnih organa ili je ranije izvršena isplata novčanih sredstava za ovu namjenu, licima iz člana 4. neće biti odobrena naknada troškova izrade nadgrobnih nišana/spomenika, bez obzira dali su, prije ili poslije ugradnje nadgrobnog nišana/spomenika po projektu, dograđivali nadgrobnog spomenike ličnim sredstvima.

V- ORGANI I POSTUPAK ODLUČIVANJA

Član 7.

Zahtjevi za odobravanje naknade troškova izrade nadgrobnih nišana/spomenika s odgovarajućom

dokumentacijom podnose se Ministarstvu direktno ili putem služi za pitanja boračko-invalidske zaštite jedinica lokalne samouprave.

Uz zahtjev se priložiti broj tekućeg računa podnosioca zahtjeva.

Zahtjev za finansiranje podizanja zajedničkog spomen obilježja poginulim borcima iz člana 4. stav 3. ovog pravilnika može se odobriti samo udruženjima i fondacijama koje njeguju tradiciju Odbrambeno-oslobodilačkog rata.

Član 8.

Rješenje o dodjeli novčane naknade trškova izrade i postavljanja nadgrobnog nišana/spomenika, ili zajedničkog obilježja poginulim borcima, donosi ministar.

Član 9.

Isplata naknade troškova izrade nadgrobnih nišana/spomenika ili zajedničkog obilježja poginulim borcima vrši se putem Ministarstva finansija HNK-a, a na osnovu Naloga za isplatu potpisanog od strane ministra, u skladu sa Zakonom o izvršenju pbudžeta HNK-a i Zakonu o trezerskom poslovanju.

VI- OSTALE ODREDBE

Član 10.

Za sve što nije regularno ovim Pravilnikom, primjenjuju se propisi Federacije Bosne i Hercegovine i Hercegovačko – neretvanskog Kantona, koji se primjenjuju u oblasti koju regulira ovaj Pravilnik.

VII- PRELAZNE I ZAVRŠNE ODREDBE

Član 10.

Izmjene i dopune ovog Pravilnika vrše se na način i po postupku koji važi za njegovo donošenje.

Član 11.

Ovaj Pravilnik stupa na snagu danom objavljivanja u „Sl. novinama HNK“

Bosna i Hercegovina
Federacija Bosne i Hercegovine
Hercegovačko-neretvanski kanton
Ministarstvo za pitanja boraca

Broj:12-43-01- 204/07
Mostar, 10. septembar 2007. godine

Ministar
Albert Šunjić, dipl. ing,s.r.

245

Na osnovu člana 10. stav 1. tačka 5. Zakona o dopunskim pravima branilaca i članova njihovih porodica (“Sl. novine HNK” broj 8/06) ministar za pitanja boraca HNK uz saglasnost Vlade HNK broj: 01-1-02-1628/07 od 17.10.2007.godine donosi:

PRAVILNIK O ORTOPEDSKIM I DRUGIM POMAGALIMA

I - OPĆE ODREDBE

Član 1.

Ovim Pravilnikom se uređuju postupak i uslovi za ostvarivanje prava ratnih vojnih invalida na finansiranje ortopedskih i drugih pomagala, te obim ovih prava.

II- USLOVI ZA OSTARIVANJE PRAVA Ortopedska i druga pomagala

Član 2.

Ratnom vojnom invalidu, Ministarstvo za pitanja boraca Hercegovačko-neretvanskog kantona (u daljem tekstu Ministarstvo),osigurava finansiranje ili sufinansiranje troškova, u medicinski indiciranim slučajevima, za nabavku ortopedskih pomagala i drugih pomagala koje je, na prijedlog ovlaštenog doktora medicine, odobrila Komisija Zavoda za zdravstveno osiguranje.

To su sljedeća pomagala:

Naziv pomagala	Učešće Ministarstva	Period
1.Priteza za gornje ekstemite	50%	60 mjeseci
2.Proteza za donje ekstemite	50%	60 mjeseci
3.Totalna endoproteza za kuk	50%	Trajno
4.Ivalidska kolica	30% (najviše 3000 KM)	60 mjeseci
5.Ostala pomagala	50%	Ovisno o propisanom roku trajanja

Za pomagalo za koje je predviđen kraći rok trajanja od vremena predviđenog u stavu 2. ovog